



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

XXI. Confirmatur concessio a Leone X. anno 1515. facta Notario &  
Cancellario Nationis Florentinæ de Urbe, ut quæcumque acta judicialia &  
contentiosa libere & licite conficere possit: quod officium in ...

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)



Firmitas præsentium Litterarum cum derogatione quorumcumque contrarium.

facultatem Notarios & Judices creandi, ac legitimandi, & absque eo, quod Capitulum & Canonici prædicti aliquod emolumentum a Camera & Palatio Nostris Apostolicis, vel quarumvis litterarum Apostolicarum expeditionem gratis, ullo unquam tempore præterire possint) auctoritate Apostolica tenore præsentium perpetuo approbamus & confirmamus, illisque perpetuæ & inviolabilis Apostolicæ firmitatis robur adjicimus.

§. 4. Decernentes easdem præsentem litteras semper firmas, validas, & efficaces existere, & fore, suosque plenarios & integros effectus sortiri, & obtinere; ac illis, ad quos spectat & spectabit in futurum, in omnibus & per omnia plenissime suffragari, & ab eis respective inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, dictæque Sedis Nuncios, sublata eis & eorum cuilibet quavis aliter iudicandi & interpretandi facultate & auctoritate, iudicari & diffiniri debere, ac irritum & inane, quidquid secus super his a quoquam quavis auctoritate scienter vel ignoranter contigerit attentari. Non obstant. Apostolicis, ac in Universalibus, Provincialibusque, & Synodalibus Conciliis editis, generalibus, vel specialibus Constitutionibus & ordinationibus, necnon omnibus & singulis illis, quæ in præfatis Leonis prædecessoris litteris concessa sunt non obstante, cæterisque contrariis quibuscumque.

§. 5. Cæterum non intendimus per præsentem supradictas; Juspatronatus in aliquo approbare, neque ullam Dignitatum, Canoniatuum, & Præbendarum hujusmodi, aliorumque Beneficiorum Ecclesiasticorum, quæ per dictæ Ecclesiæ Florentin. Canonicos, & inibi Dignitates hujusmodi obtinentes pro tempore possideri, seu in quibus, vel ad quæ jus haberi contigerit, reservationem sive affectionem Nostræ, ac Romanorum Pontificum Successorum Nostrorum, ac Sedi præfatæ collationi & dispositioni inducere.

Datum Romæ apud Sanctam Mariam Majorem sub Annulo Piscatoris die 2. Januarii 1731. Pontificatus Nostrum Anno Primo,  
F. Card. Oliverius.

XXI.

Confirmatur concessio a Leone X. anno 1515, facta Notario & Cancellario Nationis Florentinæ de Urbe, ut quæcumque acta judicialia & contentiosa libere & licite conficere possit: quod officium in Urbe restituitur.

*Leo PP. X. ut ex subjecta Constitutione Sanctissimi Domini Nostrum, aliaque ejusdem Leonis PP. dat. 1519. in Bullar. num. XXXIII. constat, Consuli Nationis Florentinæ facultatem Mercatorum Nationis in Urbe causas cognoscendi, Notariumque sibi, ac Cancellarium eligendi tribuit: Innocentius vero XII. Constit. Ad Radicitus dat. ann. 1692. 31. Augusti particularia omnia Tribunalia suppressit.*

CLEMENS PAPA XII.

Ad futuram rei memoriam.

§. 1. **E**Xponi Nobis nuper fecerunt dilecti filii Consul, alique Nationis Florentinæ in Alma Urbe nostra degentes, quod fel. rec. Leo Papa X. Prædecessor Noster per quasdam suas die 12. Junii 1515. Pontificatus sui anno Tertio expeditas litteras, inter alia privilegia dictæ Nationi Florentinæ de Urbe per eum concessa, facultatem tribuit illis

Consuli, pro tempore existenti, jus dicendi in causis verentibus inter Mercatores & Nationales Florentinos hujusmodi, & ad hunc effectum deputandi Cancellarium, qui esse debere publicus Notarius Matriculatus, sive descriptus in Archivio Romanæ Curie, facta eidem Notario potestate, nedum conficiendi acta, contractus & stipulationes pro Mercatoribus & Nationalibus præfatis, verum etiam cætera omnia peragendi, quæ ad publici Notarii ejusmodi Officium spectabant, & aliàs, prout in supradictis Leonis Prædecessoris litteris uberius continentur.

§. 2. Et exinde usque ad annum 1692., quo rec. mem. Innocentius Papa XII. Prædecessor etiam Noster, dicti Consulibus Florentini, aliaque particularia Urbis præfata Tribunalia suppressit, illorumque jurisdictionem abolevit; Notarius & Cancellarius itidem pro tempore existens non modo omnia acta & contractus inter dictos Mercatores Nationales perficere, sed qua Urbis Notarius testamenta, donationes, aliosque contractus pro quibuscumque personis cujusvis Nationis existens, stipulari consuevit; ac propterea comparebat coram omnibus Judicibus ordinariis aliorum Tribunalium dictæ Urbis pro interpositione decretorum in contractibus minorum & mulierum: per ejus acta citabantur coram Judicibus præfatis interesse habentes in eisdem contractibus: adibantur hæreditates cum Edictis Citatoriis; deputabantur Tutores: reproducebantur interpellationes & disdictæ, ut vocant: fiebant descriptiones & inventaria cum similibus interpellationibus: & alii actus judiciales, sicuti ex longa serie ejusmodi actuum statim a dicto anno 1515, incipientium, qui in officio ipsius consulatus asservantur, constare dicitur.

§. 3. Licetque post suppressionem particularium Tribunalium ab Innocentio Prædecessore factam, ut præmittitur, jurisdictione ejusdem Consulibus sublata fuerit; Salvum tamen ac præservatum remansit illius, nonnullorumque aliorum similium Notariorum officium, donec aliter provideretur; quin tamen ulla hæcenus desuper capta sit provisio seu resolutio, itaut prædictus Notarius & Cancellarius, quoties postmodum eum agere contingit, ministerio aliqujus Judicis ad acta Judicialia exequenda ratione testamentorum aut contractuum pro personis tam præfatæ Florentinæ quam alterius cujuslibet Nationis, sive occasione mandatorum de immitrendo in possessionem, delendo vincula, transferendo & resignando loca montium, & officia vacabilia consignando & describendo, aut propter inhibitiones dotales, decreta absolutoria, monitoria, citationes pro interpositione decretorum hujusmodi, edita ad adendas hæreditates, disdictas, deputaciones Curatorum ad lites, & id genus alia, illa auctoritate diversorum Judicium, ac ut plurimum Locumtenentis in Civilibus, & Auditoris Gubernatoris Urbis præfatæ, ac primi & secundi Collateralium Curie Capitolinæ, perfici & expediri curavit; quæ omnia comperta fuerunt dilecto filio nostro Vincentio S.R.E. Presbytero Cardinali Petra nuncupato, qui tanquam Visitator officiorum Notariorum seu Tabellionum Urbis prædictæ a pie mem. Benedicto XIII. Prædecessore quoque nostro constitutus, illud Consulatus Florentini perinde ac alia perlustravit.

§. 4. Unde idem Benedictus Prædecessor animam advertens ad præmissa, & ad suppressionem Tribunalium particularium, necnon Præervationem officii Notarii Consulatus hujusmodi, ac desuper capiendæ, nec eatenus captæ provisionis; quodque Notarius dicti Consulatus pergebat non solum Testamenta, ac publica Instrumenta rogare, sed acta quoque Judicialia

Privilegium a Leone X. concessum Consuli Nationis Florentinæ.

Quo data Cancellario hujus Nationis facultas conficiendi ea omnia, quæ ceteri Urbis Notarii faciunt.

Hæc vero concessio ab Innocentio XII. suppressa in suppressione Tribunalium particularium.

Ante hujusmodi suppressionem per hunc Notarium omnia judicialia acta pro quibuscumque generis personis fiebant.

Per Innocentium XII. dictam Constit. non laesum hujus Notarii officium.

A Ben. XIII. statutum super validitate hujusmodi actuum extamen, nominatimque commissum Judicibus.

con-

Dat. die 4. Januar. 1731. Pontif. I.



conficere coram aliquo ex sibi beneficis Judicibus, ejusdem Urbis per diversa illius Tribunalia vagando, quemadmodum ipsi Vincentio Cardinali in Visitatione hujusmodi officii innotuerat: simulque considerans hanc Judicium variationem arbitrio ipsius Notarii, seu partium, minime convenire, in sua successive anno 1728. super reformatione Tribunalium Urbis præfata edita Constitutione omnino opportunum judicavit, ut cognosceretur, an ista facultas conficiendi acta Judicialia persistere seu remanere deberet exercenda per dictum Notarium, & in quibus causis; & inter quas personas; & quatenus id ei competeret, coram quo peculiariter Judge id permitti valeret; & demum quonam modo consuli posset rationibus ejusdem Notarii: deputavitque Congregationem particularem, quæ constabat tunc extantibus, Auditore suo Decano, Auditore Rotæ Romanæ, Vicegerente Vicarii Urbis, Primo Locumtenente itidem in Civilibus Auditoris generalis Curie Caesarum Cameræ Apostolicæ, Auditore Signaturæ Justitiæ, Commissario generali ejusdem Cameræ, necnon primo Collateralis præfate Curie Capitoline; qui auditus Notarii Tribunalium Urbis, prædicta omnia præfata discuterent, ac recognoscerent, quidque super præmissis in futurum servandum foret, eidem Benedicto Prædecessori cum eorum voto referrent, ut ipse, quod hac in re expediens esset, decernere valeret, idque infra sex menses a die promulgationis dictæ Constitutionis fieri voluit, quo termino elapso idem Notarius omnino abstinere a conficiendis actibus Judicialibus coram quocumque Judge sub pena centum scutorum monetæ, & nullitatis actorum hujusmodi, & aliâs, prout in enarrata Constitutione plenius etiam continetur.

Quo non completo data ad tempus facultas omnia similia acta conficiendi.

§. 5. Porro expirato termino sex mensium sic assignatorum intra quem dicta Congregatio particularis haberi nequiverat, Consul alique præfati Nationis Florentinæ, ne prædictus Notarius suspensus remaneret a confessione actorum Judicialium, petierunt a memorato Benedicto Prædecessore prorogationem ejusdem termini ad tempus ei beneficum, remissaque per eum Instantia hujusmodi Auditori suo prædicto, & plures prorogationes concessit, citatis Seniore Caesarum Cameræ Apostolicæ ac Capitoline Curiarum præfatarum Notariis; sicque continuatum fuit usque ad nostram assumptionem ad Apostolatus officium, postquam ab Auditore nostro novam prorogationem quinque aliorum mensium obtinuerunt.

Reintegratio, & confirmatio hujus Notariatus per SS. D. N. cum omnibus facultatibus &c. ac Depuratio Judicis, quo coram omnia Judicialia acta confici debent.

§. 6. Cum autem, sicut eadem expositio subjungebat, difficile admodum sit cogere Congregationem particularem prædictam, tot viris, ratione muneris sibi incumbentium multiplicibus negotiis continuo occupatis, atque distractis, compositam; per Notarios vero Tribunalium Urbis præfate jure controversi, ac in dubium revocari nequeat facultas Notarii dicti Consularis perficiendi quælibet acta Judicialia indiscriminatim in quavis causa, & pro quibuscumque personis, ut pote quia lex ipsius Leonis Prædecessoris hanc facultatem illi discrete tribuit, eique suffragetur observantia ex anno 1515, initium desumens, nec usquam interrupta, quandoquidem per dua sæcula & ultra non uti Cancellarius Consularis Florentini præfati, sed qua publicus Urbis Notarius acta hujusmodi Judicialia gessit independentem a jurisdictione ipsius Consulis; & uti talis plurium annorum spatium diversis S. R. E. præfate Cardinalibus, ac præsertim Sacri eorumdem Cardinalium Collegii Decanis, in causis & negotiis eorum Monasteriorum, aut Ecclesiarum, ac præcipue Ostien. & Veliternens., ac Nobis ipsis, dum Cardinalatus honore fungebamur, quandiu Ecclesiæ Tu-

sculanae præsumimus, in rebus eamdem Ecclesiam spectantibus inservit: Cumque non minus certa sit reservatio providendi officio dicti Notarii in suppressione Tribunalium particularium, sicut præmittitur, facta, exponentes prædicti tametsi præfata Congregatio particularis deputata reperiat, eidem Notario assignari plurimum desiderent aliquem ex dictis Judicibus Ordinariis Urbis, coram quo omnia acta Judicialia & contentiosa conficere valeat: quandoquidem inde ipsi Notario providebitur juxta reservationem hujusmodi, tolliturque libertas vagandi & conveniendi Judices ad sui libitum; sicque dirimentur ac constabuntur, quæ in dicta Congregatione particulari discutienda erant; Nos eorumdem exponentium votis hac in re, quantum cum Domino possumus benigne, annuere: necnon indemnitati ac rectæ administrationi officii Notarii hujusmodi prospicere volentes, ipsorumque exponentium singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet infodate existunt, ad effectum præsentium dumtaxat consequen. harum serie absolven. & absolutas fore censentes, ac præfatorum Leonis, Innocentii, ac Benedicti Prædecessorum litterarum, Constitutionum, & dispositionum tenores, & alia quæcumque etiam specificam & individuum mentionem & expressionem requirunt, præsentibus pro plene & sufficienter expressis & specificatis habentes: Supplicationibus eorumdem exponentium nomine Nobis super hoc humiliter porrectis inclinati, dilecto filio moderno ac pro tempore existenti Notario & Cancellario dicti Consularis Florentini, ut ipse (salva ac firma remanente suppressione & abolitione Tribunalis ejusdem Consularis ac jurisdictionis illius Consularis) omnia & quæcumque acta Judicialia sive contentiosa deinceps quoque perpetuis futuris temporibus conficere libere, licite & valide possit, auctoritate Apostolica tenore præsentium concedimus & indulgemus; atque Almæ Urbis præfate Governatorem, seu ejus in Civilibus Locumtenentem, nunc pariter & pro tempore existentem, coram quo ejusmodi acta Judicialia sive contentiosa facere & exequi valeat ac debeat, auctoritate & tenore præfatis constituimus & deputamus.

Præsentium Litterarum firmitas.

§. 7. Decernentes ipsas præfatas literas etiam ex eo quod prædicti Notarii & alii quicumque in præmissis jus seu interesse habentes vel habere quomodolibet prætendentes, illis non consenserint, nec ad ea vocati, citati, & auditi fuerint, de subreptionis vel obreptionis vitio, aut intentionis nostræ vel alio quovis defectu notari, argui vel impugnari nullatenus posse; sed semper firmas, validas & efficaces existere & fore, suosque plenarios & integros effectus sortiri & obtinere; ac dicto Notario & Cancellario aliisque, ad quos spectat & quodcumque spectabit, in omnibus & per omnia plenissime suffragari, & ab eis respective inviolabiliter observari, sicque & non aliter per quoscumque Judices ordinarios & delegatos, etiam Caesarum Palatii Apostolici Auditores, & ejusdem S. R. E. Cardinales, etiam de latere Legatos, sublata eis & eorum cuilibet quavis aliter judicandi & interpretandi facultate & auctoritate, judicari & diffiniri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Utique in præmissis non obstantibus &c.

§. 8. Non obstantibus omnibus & singulis præmissis: necnon, quatenus opus sit, nostræ & Cancellariæ Apostolicæ Regula de jure quæsito non tollendo: necnon recolendæ mem. Pii Papæ IV. similiter Prædecessoris Nostri de gratiis

Cum contrariis obstantibus &c. derogatione.



qualecumque interesse Camere Apostolicæ concernen. in dicta Camera intra certum inibi præscriptum tempus præsentandis & registrandis, itaut præsentibus in ea præsentari & registrari nullo unquam tempore necesse sit: aliisque Constitutionibus & Ordinationibus Apostolicis, ac Urbis & Tribunalium prælatorum, & quibusvis aliis etiam juramento, confirmatione Apostolica vel quavis firmitate alia roboratis statutis: eorumque reformationibus, & novis additionibus, styli, usibus, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa & individua, ac de verbo ad verbum, non autem per clausulas generales, idem importantes, mentio seu quavis alia expressio habenda, aut aliqua alia exquisita forma ad hoc servanda foret, illorum omnium & singulorum tenores, ac si de verbo ad verbum nihil penitus omisso, & forma in illis tradita observata exprimerentur & insererentur, præsentibus pro plene & sufficienter expressis & insertis habentes, illis alias in suo robore permanens, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub annulo Piscatoris die 4. Januarii 1731. Pontificatus Nostri Anno Primo.

F. Card. Oliverius.

XXII.

Constitutio, qua prævia confirmatione & innovatione alterius Constitutionis san. me. Pauli PP. IV. anno 1555. editæ, decernitur, Decanatum S. R. E. Cardinalium Collegii ipso jure deferendum esse Cardinali antiquiori Episcopo, qui tempore vacationis ipsius Decanatus in Romana Curia præsens, vel ex causa publica, ac Romani Pontificis destinatione dumtaxat, non tamen ratione residentie apud aliam Ecclesiam sibi commissam, a dicta Curia absens fuerit; alique insuper statuuntur & ordinantur tam circa ejusmodi Decanatum quam circa sex Episcopatus Suburbicarios, eidem Cardinalibus assignari solitos pro titulo sui Cardinalatus.

Dat. die 10. Januar. 1731. Pontif. I.

CLEMENS PAPA XII.

Ad futuram rei memoriam.

Proœmium.

Pastorale officium, quo Dominici Gregis regimini per ineffabilem Divinæ bonitatis abundantiam, nullo licet meritum nostrorum suffragio, præsidemus, exigit, ut inter gravissimas multiplicisque Apostolicæ servitutis curas, quibus assidue premimur, ad ea, quæ Sacrum Venerabilium Fratrum nostrorum S. R. E. Cardinalium Collegium, Sedis B. Petri & universæ Ecclesiæ Senatum amplissimum spectant, rite ac recte constituenda atque ordinanda, peculiari studio advigilemus.

Paulus IV. Decanat. antiquiori Cardinali Episcopo Romæ commoranti adjudicavit.

§. 1. Dudum siquidem sel. rec. Paulus PP. IV. Prædecessor Noster, provide considerans, eosdem S. R. E. Cardinales in partem Apostolicæ sollicitudinis vocari, ut pro tempore existenti Romano Pontifici in ipsius universalis Ecclesiæ administratione assistant, isque eorum consilio agenda disponat, ac partem præcipuam Sacri Corporis, & membra ipsius Romani Pontificis existere: simulque attendens, dicti Collegii Cardinalium Decanum singulari negotiorum hujus Sanctæ Sedis notitia ac peritia, quæ absque divina continuæque in Romana Curia residentia vix ha-

beri potest, præditum esse oportere: habita super his cum tunc existentibus ejusdem S. R. E. Cardinalibus in Consistorio suo secreto, maturâ deliberatione de illorum consilio, & unanimi assensu sancivit, quod Decanatus prædicti Sacri Collegii de cætero perpetuis futuris temporibus non nisi ad Episcopum Cardinalem antiquiorem in Curia præsentem, aut ex causa publica absentem, & extra Curiam per Romanum Pontificem destinatum, devenire posset, & aliâs, prout in Constitutione ipsius Pauli Prædecessoris, anno Incarnationis Dominicæ 1555. undecimo Kalendas Septembris Pontificatus sui anno primo edita, uberius continetur.

§. 2. Cumque postmodum subortum fuisset dubium: An juxta sensum istius Constitutionis Decanatus ejusmodi deferri deberet Episcopis Cardinalibus promotione antiquioribus, qui occurrente dicti Decanatus vacatione ab ipsa quidem Curia absentes, sed apud Metropolitanas seu Cathedralis Ecclesias residerent, quarum regimen & administrationem una cum aliqua ex sex Cathedralibus Ecclesiis Suburbicariis, quæ Cardinalibus antiquioribus pro titulo sui Cardinalatus assignari consueverunt, ex concessione Apostolica retinerentur, rec. mem. Clemens Papa XI. Prædecessor etiam noster hujus questionis, quam dirimi volebat, discussionem commisit septem ejusdem Curie Prælati doctrina, prudentia & integritate præstantibus, qui, re universa accuratissime, ut par erat, expensa, unanimiter censuerunt, minime suffragari ipsis Episcopis Cardinalibus antiquioribus ad hujusmodi Decanatum obtinendum eorum a Romana Curia absentiam ex causa suæ residentie apud Metropolitanas seu Cathedralis Ecclesias, quibus ex Apostolica dispensatione præerant: Quam quidem sententiam idem Clemens Prædecessor non modo probavit, ac perpetuis itidem futuris temporibus inconcusse observari mandavit; sed insuper in suo quocunque Consistorio secreto die 3. mensis Martii MDCCXXI. habito palam recitari, & inter acta Consistorialia referri, atque custodiri jussit.

§. 3. Quamquam vero piæ mem. Benedictus Papa XIII. Prædecessor pariter noster per quædam suas sub plumbis anno item Incarnationis Dominicæ 1724. septimo Idus Septembris Pontificatus sui anno primo, absentiam a Curia præfata Episcopis Cardinalibus antiquioribus, dummodo apud Metropolitanas seu Cathedralis Ecclesias, quas in administrationem obtinent, personaliter resideant, in affectione ejusdem Decanatus nullatenus obesse; sed Decanatum hujusmodi, ipso jure deferri prædictis Episcopis Cardinalibus antiquioribus absentibus, & apud dictas Metropolitanas seu Cathedralis Ecclesias actu residentibus, statueret tunc opportunum duxerit, prout in ejus literis præfatis, quarum perinde, ac supradictæ Pauli Prædecessoris Constitutionis tenores, præsentibus pro plene & sufficienter expressis, & ad verbum insertis haberi volumus, plenius etiam continetur.

§. 4. Nos tamen ad gravissima, quibus memorata Pauli Prædecessoris sanctio niti dignoscitur, rationum momenta, nostræ dirigentes considerationis intuitum, aliisque justis & rationabilibus causis animum nostrum moventibus, adducti, post deliberationem, quam super præmissis cum pluribus ex Venerabilibus Fratribus nostris S. R. E. prædictæ Cardinalibus habuimus diligentem, de eorum consilio, ac etiam Motu proprio, & ex certa scientia, ac matura deliberatione nostris, deque Apostolicæ potestatis plenitudine, hac nostra perpetua vaitura Constitutione illam Pauli Prædecessoris confirmantes ac innovantes, decernimus & mandamus, ut deinceps quotiescumque Decanatus prædictus quomodolibet vacaverit, ipso jure in

Clemens PP. XI. declaravit Cardinalibus ad Decanatum obtinendum minime suffragari, residentiam in Episcopis vel Archiepiscopis non suburbicariis.

Contraria declarationi huic Benedicti XIII. Constitutio.

Quibus de causis mortis sit SS. D. Noster Pauli IV. Constit. confirmare?

Declar. Decanatum hujusmodi ipso

cumdem